

REUNIÓN DA COMISIÓN 4ª, EDUCACIÓN E CULTURA

Día: 01.03.2018 Hora: 10:30

A Comisión 4ª, Educación e Cultura, da que vostede forma parte, reunirase o próximo día 1 de marzo de 2018, ás 10:30 horas, no pazo do Parlamento.

A orde do día é a seguinte :

Punto 1. Comparecencia

- 1.1 26407 (10/CPC-000040)
Dirección Xeral de Relacións Institucionais e Parlamentarias
Do secretario xeral de Cultura, por petición propia, para informar sobre os traballos que se están a realizar para a elaboración da Estratexia da cultura de Galicia 2010
Publicación da iniciativa, BOPG n.º 264, do 21.02.2018

Punto 2. Propositions non de lei

- 2.1 20811 (10/PNC-001699)
Grupo Parlamentario dos Socialistas de Galicia
Álvarez Martínez, Luis Manuel e 2 máis
Sobre a implantación polo Goberno galego das ensinanzas correspondentes ao ciclo formativo de grao medio de sistemas microinformáticos e redes no curso 2018-2019 no IES de Melide
Publicación da iniciativa, BOPG n.º 222, do 04.12.2017
- 2.2 21883 (10/PNC-001789)
Grupo Parlamentario do Bloque Nacionalista Galego
Bará Torres, Xosé Luís e 5 máis
Sobre a dotación polo Goberno galego de profesorado especialista en linguaxe de signos no Centro de Educación Infantil e Primaria Escultor Acuña, de Vigo
Publicación da iniciativa, BOPG n.º 236, do 10.01.2018
- 2.3 25840 (10/PNC-001988)
Grupo Parlamentario de En Marea
Cuña Bóveda, María de los Ángeles e Chao Pérez, Luca
Sobre a subvención da Consellería de Cultura, Educación e Ordenación Universitaria para a organización do arquivo municipal de Vedra
Publicación da iniciativa, BOPG n.º 260, do 14.02.2018

Os grupos parlamentarios poderán presentar emendas ás mocións e ás propositions non de lei ata seis horas antes do inicio da sesión, o abeiro do disposto no artigo 161.2 do Regulamento.



O que lle comunico para o seu coñecemento e a súa convocatoria á devandita reunión.

Santiago de Compostela, 22 de febreiro de 2018

Antonio Mouriño Villar
Presidente da Comisión

RELACIÓN DE MEMBROS DE **COMISIÓN 4ª, EDUCACIÓN E CULTURA**

POR ORDE ALFABÉTICA

Mesa

Presidente

Antonio Mouriño Villar

P

Vicepresidente

Carlos Enrique López Crespo

P

Secretaria

Luca Chao Pérez

EM

Vogais

Luis Manuel Álvarez Martínez

S

María Ángeles Antón Vilasánchez

P

María de la Concepción Burgo López

S

María de los Ángeles Cuña Bóveda

EM

Teresa Egerique Mosquera

P

César Manuel Fernández Gil

P

Carlos Gómez Salgado

P

Olalla Rodil Fernández

BNG

Moisés Rodríguez Pérez

P

Reunión da Comisión 4ª, Educación e Cultura

Día: 01.03.2018

Hora: 10:30

Orde do día

1. Comparecencia

Reunión da Comisión 4ª, Educación e Cultura

Día: 01.03.2018

Hora: 10:30

Orde do día

1.1 26407(10/CPC-000040)

Dirección Xeral de Relacións Institucionais e Parlamentarias

Do secretario xeral de Cultura, por petición propia, para
informar sobre os traballos que se están a realizar para a
elaboración da Estratexia da cultura de Galicia 2010

Publicación da iniciativa, 264, 21.02.2018

19/02 2018 10:30 FAX 00981541211



0001/0001



XUNTA DE GALICIA

CONSELLERÍA DE PRESIDENCIA,
ADMINISTRACIÓNS PÚBLICAS
E XUSTIZA

Dirección Xeral de Relacións Institucionais e Parlamentarias



Solicítolle, consonte o disposto no artigo 143 do Regulamento da Cámara, a comparecencia a petición propia -ante a Comisión 4ª, Educación e Cultura- do secretario xeral de Cultura para informar "sobre os traballos que se están a realizar para a elaboración da Estratexia da Cultura de Galicia 2020".

Santiago de Compostela, 19 de febreiro de 2018

A directora xeral de Relacións Institucionais
e Parlamentarias



Blanca García-Señoráns Álvarez

Presidente do Parlamento de Galicia

Reunión da Comisión 4ª, Educación e Cultura

Día: 01.03.2018

Hora: 10:30

Orde do día

2. Proposicións non de lei

Reunión da Comisión 4ª, Educación e Cultura

Día: 01.03.2018

Hora: 10:30

Orde do día

2.1 20811(10/PNC-001699)

Grupo Parlamentario dos Socialistas de Galicia

Álvarez Martínez, Luis Manuel e 2 máis

Sobre a implantación polo Goberno galego das ensinanzas correspondentes ao ciclo formativo de grao medio de sistemas microinformáticos e redes no curso 2018-2019 no IES de Melide

Publicación da iniciativa, 222, 04.12.2017



PARLAMENTO DE GALICIA
REGISTRO XERAL ENTRADA
Data asento: 27/11/2017 17:45
Nº Rexistro: 20811
Data envío: 27/11/2017 17:45:17.311



Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia, por iniciativa do seu deputado, Luís Álvarez Martínez, e das súas deputadas, María Concepción Burgo López e Matilde Begoña Rodríguez Rumbo, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 4ª.

A planificación da oferta educativa das ensinanzas postobrigatorias debe atender a varios obxectivos, entre eles, potenciar as oportunidades de formación do alumnado e contribuír ao desenvolvemento social e económico da sociedade.

Non é menos certo que esa planificación se debe realizar con criterios obxectivos, tras a análise oportuna, pero tamén considerando sempre que a formación das persoas sempre trae consigo melloras, tanto persoais como sociais.

Aínda que este grupo parlamentario ten tentado en varias ocasións que a Consellería de Cultura, Educación e Ordenación Universitaria estableza criterios obxectivos, froito do consenso parlamentario, para deseñar unha rede de centros para o futuro do noso país, sempre obtivemos a mesma resposta: non.

Por ese motivo, consideramos moi procedente presentar iniciativas neste caso relacionadas coa oferta educativa do IES de Melide.

Este centro educativo conta coas ensinanzas de educación secundaria obrigatoria, bacharelato e ciclos formativos de grao básico e medio de carpintaría e moble.

Considera este grupo parlamentario que sería necesario incrementar a oferta educativa incluíndo o ciclo formativo de grao medio de sistemas microinformáticos e redes, regulado no Decreto 27/2010, polas seguintes razóns:

1. A comarca Terra de Melide presenta, dende o punto de vista da natalidade, unha situación estable, como se pode comprobar empregando os datos do Instituto Galego de Estatística sobre nacementos, que son os seguintes:

Grupo Parlamentario

Ano	2000	2001	2002	2003	2004	2005	2006	2007	2008	2009	2010	2011	2012	2013	2014	2015	2016
Nacementos	70	80	93	78	86	76	65	79	86	76	62	71	66	71	69	70	79

Partido dos
Socialistas
de Galicia

2. O informe sobre a ocupación laboral do alumnado de Formación Profesional que rematou a Formación en Centros de Traballo no ano 2015 (último dispoñible), apunta varias conclusións moi interesantes sobre o alumnado desta familia profesional de informática e comunicacións:

- a) A cantidade de alumnos/as que traballan na mesma empresa na que realizaron as prácticas é unha das máis altas (40,4 %).
- b) Dos alumnos ocupados actualmente, o 78 % traballan en postos que consideran relacionados co seu ciclo; unha das porcentaxes máis altas de entre as distintas ramas profesionais.

3. A oferta deste ciclo formativo máis próxima dentro da provincia da Coruña atópase no IES de Curtis (a 30 km aproximadamente).

4. Os espazos necesarios para implantar este ciclo formativo, establecidos no mencionado Decreto 27/2010 son os seguintes, para 30 alumnos:

- a) Aula polivalente de 60 m²
- b) Aula técnica de 60 m²
- c) Taller de instalación e reparación de equipamentos informáticos de 120 m² que entendemos que se poden habilitar no centro, máxime tendo en conta as correspondentes porcentaxes de utilización destes espazos que permiten o seu uso compartido con outras ensinanzas, cando menos da aula polivalente.

5. A posibilidade de completar a oferta no futuro, tanto con formación profesional de grao básico como superior.

Sobre a base das anteriores consideracións o Grupo Parlamentario dos Socialistas de Galicia, presenta a seguinte proposición non de lei:



PARLAMENTO DE GALICIA
REXISTRO XERAL ENTRADA
Data asento: 27/11/2017 17:45
Nº Rexistro: 20811
Data envío: 27/11/2017 17:45:17.311



 Grupo Parlamentario

O Parlamento de Galicia insta o Goberno galego a implantar no curso 2018/2019 as ensinanzas correspondentes ao ciclo formativo de grao medio de sistemas microinformáticos e redes IES de Melide.

Partido dos
Socialistas
de Galicia

Pazo do Parlamento, 27 de novembro de 2017

Asinado dixitalmente por:

Luis Manuel Álvarez Matínez na data 27/11/2017 16:58:28

Maria de la Concepción Burgo López na data 27/11/2017 16:58:42

Matilde Begoña Rodríguez Rumbo na data 27/11/2017 16:58:55

Xoaquín María Fernández Leiceaga na data 27/11/2017 17:03:50

Reunión da Comisión 4ª, Educación e Cultura

Día: 01.03.2018

Hora: 10:30

Orde do día

2.2 21883(10/PNC-001789)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre a dotación polo Goberno galego de profesorado
especialista en linguaxe de signos no Centro de Educación
Infantil e Primaria Escultor Acuña, de Vigo

Publicación da iniciativa, 236, 10.01.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 28/12/2017 10:53
Nº Rexistro: 21883
Data envío: 28/12/2017 10:53:22.457

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión**.

EXPOSICIÓN DE MOTIVOS

No CEIP Escultor Acuña de Vigo, referente na integración de alumnas e alumnos con trastornos de hipoacusia dende o seu inicio en 1980, vén funcionando dende o curso 2012/13 un proxecto de integración e innovación que consiste en integrar nas competencias clave, para toda a comunidade educativa, a lingua de signos como unha forma de aumentar as posibilidades comunicativas e de integración de todo o alumnado; sendo este o único centro educativo en toda Galiza no que se desenvolve este proxecto.

Este proxecto funcionou até o curso 2016/17, estando aprobado no claustro como materia de libre configuración para os cursos de 4º e 6º a materia de “Linguaxe de signos”, que conta cunha carga horaria de 18 h. semanais e que non se está a impartir até o de agora, tal e como está a denunciar a ANPA do citado centro.



BLOQUE
NACIONALISTA
GALEGO
OFICINA PARLAMENTAR
Parlamento de Galicia
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 28/12/2017 10:53
Nº Rexistro: 21883
Data envío: 28/12/2017 10:53:22.457

Semella que en maio deste ano tivo lugar unha xunta da Dirección do Centro coa Xefatura Territorial da Consellaría de Educación, a resultados da cal comprometeuse a tramitar a aprobación da solicitude da persoa necesaria para a continuidade do proxecto.

Mais o certo é que, a día de hoxe, seguen sen ter nomeada esa persoa especialista en linguaxe de signos, argumentando a Xefatura Territorial de Pontevedra que xa teñen profesorado suficiente de Audición e Linguaxe.

Polo anteriormente exposto, o Grupo Parlamentar do BNG presenta a seguinte proposición non de lei para o seu debate en Comisión:

“O Parlamento de Galiza insta ao goberno galego a dotar pola vía de urxencia ao CEIP Escultor Acuña de Vigo dunha/un profesora/or especialista en linguaxe de signos para dar continuidade ao proxecto de integración e innovación que viña funcionando dende o curso 2012/13, así como para poder impartir a materia de libre configuración de Linguaxe de signos”.

Santiago de Compostela, 28 de decembro de 2017

Asdo.: **Luis Bará Torres**
Montserrat Prado Cores



BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 28/12/2017 10:53
Nº Rexistro: 21883
Data envío: 28/12/2017 10:53:22.457

Noa Presas Bergantiños

Olalla Rodil Fernández

Xosé Luis Rivas Cruz

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Xosé Luis Bará Torres na data 28/12/2017 10:52:01

María Montserrat Prado Cores na data 28/12/2017 10:52:13

Ana Pontón Mondelo na data 28/12/2017 10:52:15

Xosé Luis Rivas Cruz na data 28/12/2017 10:52:17

Olalla Rodil Fernández na data 28/12/2017 10:52:20

Noa Presas Bergantiños na data 28/12/2017 10:52:22

Reunión da Comisión 4ª, Educación e Cultura

Día: 01.03.2018

Hora: 10:30

Orde do día

2.3 25840(10/PNC-001988)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a subvención da Consellería de Cultura, Educación e Ordenación Universitaria para a organización do arquivo municipal de Vedra

Publicación da iniciativa, 260, 14.02.2018



PARLAMENTO DE GALICIA
REXISTRO XERAL ENTRADA
Data asento: 08/02/2018 17:54
Nº Rexistro: 25840
Data envío: 08/02/2018 17:54:33.576



Á MESA DO PARLAMENTO

O Grupo Parlamentar de En Marea, por iniciativa das súas deputadas Ánxeles Cuña Bóveda e Luca Chao Pérez, ao abeiro do disposto no artigo 160 do Regulamento da Cámara, presenta a seguinte Proposición non de lei, para o seu debate na Comisión 4.^a, relativa a unha subvención da Consellería de Cultura, Educación e Ordenación para a organización do arquivo municipal de Vedra.

Exposición de motivos

O mércores 6 de abril de 2016 saíu publicada no DOG nº 65 a Orde do 10 de marzo de 2016 pola que se establecen as bases reguladoras que rexerán as axudas destinadas á colaboración no financiamento de actuacións en materia de arquivos e se procede á súa convocatoria para o ano 2016.

O Concelleiro de Cultura de Vedra, Enrique Vázquez Martínez (PPdG), solicitou unha subvención á Consellería de Cultura, Educación e Ordenación Universitaria para a organización do arquivo municipal.

No proxecto que se axuntaba na solicitude de subvención, xa constaba o nome dunha amiga do voceiro do PP, Celia A.M. para ocupar a praza. Posteriormente ese documento desapareceu do expediente, baixo o pretexto alegado polo concelleiro de que era un “borrador”. A alteración de expedientes administrativos fixo que a oposición do Concello vise indicios de prevaricación e que denunciase nos plenos municipais e nos medios de comunicación que a persoa aludida accedeu “a dedo” nun procedemento negociado sen publicidade.

Especifícase tamén nas bases que as axudas reguladas concederanse en réxime de concorrência competitiva, baixo os principios de publicidade, obxectividade, transparencia, igualdade, non discriminación, eficacia e eficiencia. Polo tanto, é



congruente que a oposición municipal iniciase unha serie de preguntas e iniciativas no pleno do Concello para saber que se ocultaba nesta contratación, pola existencia de irregularidades. Estamos diante dun absoluto escurantismo e con total falla de transparencia, con comportamentos totalmente vergoñentos da Administración Local. Estamos diante de “irregularidades intolerables. Non se cumpren os requisitos legais mínimos de publicidade e, polo tanto, de igualdade como requiren as bases da convocatoria.

Con saída rexistrada o 23 de setembro, a Consellería resolveu que Vedra sería beneficiada coa máxima axuda de 5000 €. As Axudas (77.740€) repartíronse entre 19 proxectos. Porén, o Concello de Vedra recibiu esa subvención da Consellería de Cultura. En total destináronse 7.581 euros, dos que o propio municipio asumiu o 33%, para realizar un proxecto que o concelleiro Enrique Vázquez calculou que se realizaría en tres meses e medio - a razón de 560 horas de traballo total-. O traballo consistiría na "migración dos datos do software da versión 2.0 á 3.0 de 5.958 rexistros e actualización do inventario de 145 unidades de instalación", que levaría unha semana; na "catalogación do fondo emigración", que serían dous meses; na "catalogación do Libro de Emigrantes", que levaría unha semana e na "catalogación de 100 anos de actas do pleno”.

Finalmente, o traballo acabaría realizándose nun mes e cinco días. Como é posible facer un traballo estimado en tres meses e medio en pouco máis dun mes?. "Fíxose un cálculo aproximado, xa que os datos concretos saen do traballo, que se fai igual que nas demais solicitudes de subvención", contestaba o concelleiro de Cultura na Comisión Informativa de Economía e Especial de Contas no verán do 2017. Ademais, engadía que "a carga de traballo é aproximada xa que non se pode calcular con exactitude unha carga de traballo que non está cuantificada a priori, que non saben cantas actas hai e o mesmo pasa coa documentación de emigrantes”.



O Concello recoñeceu que non foi quen de facer un orzamento previo, por imposibilidade de medir ben a carga de traballo, pero por que cando se puxeron a executar e viron que había menos traballo do inicialmente previsto, non se viu reflectido na modificación do orzamento?

O día 6 de outubro, a Alcaldía dispuxo “ordenar que se soliciten tres presupostos para a adxudicación do proxecto, atendendo ás bases reguladoras que rexen as axudas destinadas á colaboración no financiamento de actuacións en materia de arquivos e tendo en conta a limitación nos prazos de execución e xustificación para poder realizar os traballos reflexados na memoria que acompañaba a solicitude”. Así, e aínda que é un proceso negociado sen publicidade, é necesaria a presentación de ata tres ofertas. Esas ofertas recibíronse nunha tarde e o xurado para a elección desa persoa -a técnico local de emprego e o responsable do arquivo- tardou menos dun día en seleccionar á persoa gañadora. A oposición entende que á vista do período entre a data do acordo do procedemento e a data de sinatura do contrato, “había prazo suficiente” para facer o procedemento negociado con publicidade. Hai unha clara alteración do obxecto inicial do contrato, da falla de proporcionalidade entre o importe do contrato e o servizo prestado e un tratamento favorable cara a adxudicación do contrato que redunda no enriquecemento da persoa.

A Xunta di que é posible traballar 16 horas durante 35 días para facer un encargo previsto en 105 días. Asemade, a Xunta entende que o proxecto presentado por este municipio cumpría cos requisitos esixidos na convocatoria, que era o de organizar fondos documentais do Arquivo municipal. O Rexedor afirma que “Foi un contrato menor e realizouse en base a legalidade”. Este contrato adíuse cinco días, segundo a oposición debeuse a problemas da contratada en darse de alta na Seguridade Social-, o rexedor indicou que “a única intervención que tivo foi asinar os documentos que viñan na carpeta de firma” e que, polo tanto, descoñecía o motivo dese atraso. Dixo, tamén, que tampouco sabía se a



contratada se dera de alta exclusivamente para este traballo ou se continuou despois.

Por outra banda, ninguén comprobou a recepción dos traballos. E ao final é a propia contratada quen certifica a finalización dos traballos. Na páxina web do concello non hai información ningunha do arquivo histórico. Os documentos propostos para dixitalizar estarán previamente organizados e descritos nunha base de datos segundo a Norma galega de descrición arquivística (NOGADA). Os proxectos deberán incluír a creación dun arquivo dixital de conservación permanente e a creación dunha copia dixital para a difusión na páxina web do Portal de Arquivos de Galicia.

Consultada a páxina web do Portal de Arquivos de Galicia, a información que alí figura é a seguinte: “Non se ten constancia do arquivo como oficina municipal, a custodia da documentación estaba vinculada á figura do Secretario. En 1956 acométense obras para evitar o derrube da casa consistorial e no ano 1967 acondicionase o primeiro andar para vivenda do Secretario. A actual casa do concello construíuse en 1980 e inaugurouse en 1982. A documentación tivo que trasladarse a outra ubicación temporal mentres duraban as obras. Unha vez rematas as obras de ampliación a documentación distribuíuse polas diferentes oficinas e a máis antiga gardouse no faiado da casa consistorial. Será en 1999 cando se acondicione un espazo para o arquivo do concello, na planta baixo cuberta da casa do concello. Ademais contan con dous depósitos máis pequenos a maiores no soto e na planta baixa”. Por certo, a descarga de fondos do arquivo está bloqueada.

Por todo o exposto, o Grupo Parlamentario de En Marea presenta a seguinte Proposición non de lei:

O Parlamento de Galicia insta ao Goberno galego a:



PARLAMENTO DE GALICIA
REXISTRO XERAL ENTRADA
Data asento: 08/02/2018 17:54
Nº Rexistro: 25840
Data envío: 08/02/2018 17:54:33.576



- 1.- Controlar por parte da Secretaría Xeral de Cultura da Consellería de Cultura, Educación e Ordenación Universitaria como, canto e para que dá as subvencións.
- 2.- Detectar por parte da Secretaría Xeral de Cultura da Consellería de Cultura, Educación e Ordenación Universitaria anomalías na solicitude de subvención como a presente que supostamente levaba incorporada unha proposta nominativa.
- 3.- Revisar o expediente completo da subvención concedida ao Concello de Vedra, para verificar que documento se achegou.
- 4.- Adecuar a subvención da cantidade á carga de traballo. Neste caso, a axuda que recibiu foi a máxima, 5000 €. Se hai variacións, debe haber minoración.
- 5.- Comprobar se o órgano instructor avaliou a execución das actuacións subvencionadas.
- 6.- Requerir se non o fixo o nomeado órgano instructor a xustificación acreditativa.
- 7.- Esixir aos beneficiarios a copia do traballo desenvolvido.
- 8.- Incorporar os datos na páxina web do Portal de Arquivos de Galicia?
- 9.- Avaliar as consecuencias que pode ter a alteración do obxecto por parte do Concello.
- 10.- Investigar as irregularidades detectadas.
- 11.- Abrir no seu caso un procedemento de revisión de oficio das actuacións irregulares.
- 12.- Poñer os feitos en coñecemento da Fiscalía e do Consello de Contas.

Santiago de Compostela, 8 de febreiro de 2018.

Asdo.: Ánxeles Cuña Bóveda

Asdo.: Luís Villares Naveira

Luca Chao Pérez

Voceiro do G.P. de En Marea.

Deputadas do G.P. de En Marea.

Asinado dixitalmente por:

María de los Ángeles Cuña Bóveda na data 08/02/2018 17:16:47

Luca Chao Pérez na data 08/02/2018 17:16:55

Luis Villares Naveira na data 08/02/2018 17:17:28